

ত্রিপুরা সরকার
তথ্য ও সংস্কৃতি অধিকার

স-৩৭০১

জম্পুইজলা, ১৭ নভেম্বর, ২০২৩

জম্পুইজলা ব্লকভিত্তিক কৌশল মেলা

জম্পুইজলা ব্লকের বুখুই কমিউনিটি হলে গতকাল জম্পুইজলা ব্লকভিত্তিক কৌশল মেলা, প্রতি ঘরে সুশাসন ২.০ অভিযান এবং যুব উৎসব অনুষ্ঠিত হয়। অনুষ্ঠানের উদ্বোধন করেন জম্পুইজলা বিএসি'র চেয়ারম্যান বীরেন্দ্র কিশোর দেববর্মা। স্বাগত বক্তব্য রাখেন জম্পুইজলা ব্লকের বিডিও কমল দেববর্মা। অনুষ্ঠানে ত্রিপুরা গ্রামীণ জীবিকা মিশনের উদ্যোগে জম্পুইজলা ব্লকের ৩টি স্বসহায়ক দলকে স্বাবলম্বী করার জন্য আর্থিক সহায়তা করা হয়। অনুষ্ঠানে ১৯টি প্রদর্শনী স্টল খোলা হয়। এর মধ্যে ৭টি স্কিল ডেভেলপমেন্ট এজেন্সির স্টল খোলা হয়। অনুষ্ঠানে জম্পুইজলা ব্লক ভিত্তিক প্রতি ঘরে সুশাসন ২.০ অভিযানে বন দপ্তরের পক্ষ থেকে ২৫ জনের মধ্যে ফল গাছের চারা বিতরণ করা হয়। মৎস্য দপ্তরের পক্ষ থেকে ১৯ জন মৎস্য চাষীকে বিনামূল্যে ঔষধ দেওয়া হয়। সমাজকল্যাণ ও সমাজশিক্ষা কার্যালয়ের পক্ষ থেকে পিএমএমভি ওয়াই প্রকল্পে ১ জনকে সুবিধা দেওয়া হয়। জম্পুইজলা ব্লকের পক্ষ থেকে ৩৫ জনকে আর ও আর দেওয়া হয়েছে। কৃষি ও কৃষক কল্যাণ দপ্তরের পক্ষ থেকে ১৩ জনকে কেসিসি কার্ড দেওয়া হয়েছে। প্রাণী সম্পদ বিকাশ দপ্তরের পক্ষ থেকে মোট ৪০৮টি গবাদি প্রাণী ও পাখির চিকিৎসা করে বিনামূল্যে ঔষধ দেওয়া হয়। অনুষ্ঠানে উপস্থিত ছিলেন বিধায়ক বিশ্বজিত কলই, সমাজসেবী রবীন্দ্র দেববর্মা, সমাজসেবী শঙ্কর জমাতিয়া, সমাজসেবী নিরন দেববর্মা, জম্পুইজলা বিএসি'র ভাইস চেয়ারম্যান নিরঞ্জন কলই, সুধন্বা দেববর্মা স্মৃতি দ্বাদশমান বিদ্যালয়ের প্রিন্সিপাল ধর্মচরন জমাতিয়া প্রমুখ। জম্পুইজলা ব্লক, ত্রিপুরা গ্রামীণ জীবিকা মিশন এবং যুব বিষয়ক ও ক্রীড়া দপ্তর যৌথভাবে এই অনুষ্ঠানের আয়োজন করে।
